

Die 27 januarii.

Marco de Antivari, *olim* galioto sopra la galia dicta, *cum* juramento *super ultram* examinato, *respondit*: La nocte che la nostra galia si naufragò, io me attrovava in giava del scrivani che seccava. Et venuto de sopra, visto compagni balestrieri et altri in copano, monti anchora mi, et subito vene el nostro comito et montò anchor esso, et *immediate* la galia andò a la banda, et el schiffo in aqua, et largati andasemo a la volta de Strombola; et, essendo circa uno miglia lontan da la galia, el comito disse: zoveni, saria buon che tornasemo indrietto a scapolar el patron, et tuti risposeno, che non era tempo, perche tutti galioti vorano saltar in copano, et se annegaremo anchora nuj, et cossi andasemo in terra. Et el comito li a Strombola et anche in Cicilia ne ha pregati tuti più volte, che non dovemo dir lui esser montato in copano in galia, ma ch' l se buttò a l' aqua a prova, et che nui l' havemo tirado d' aqua in copano, et cossi tuti promessono de farlo; ma ho convenuto dir la verità per non zurar sacramento falso. *Relectum confirmavit*.

Die 28 dicto.

Tomà Piero, era compagno *cum* la dicta, *cum* juramento *super ultram* examinato, *respondit*: Io era venuto suso dal scandoler da sollicitar quelli che seccavano, et visto ch' l copano era specado et alcuni compagni et balestrieri dentro, cridando che volevemo segomar o far altro servitio, andi in copano. El comito tornava da prova, ch' havea comandà se serzasse, et montò anch' esso in copano, et la galia andò a la banda, et el schiffo andò in aqua, et cussi se largasemo et andasemo a la volta de terra; et quando fossemo lontani circa una galia, el comito disse: fradelli andemo levar el patron; et li fo risposto non volemo andarse annegar. Et vignando a Messina, el comito disse: fradelli, ve prego che vui disè, che m' haveti tolto d' aqua in copano per schivar scandalo. Interrogato, quanto stete la galia de sopra aqua, dapoi che ve partiste *cum* el copano, *respondit*: Per el juramento prestà io non so, perche era bagnato, nè mai me ho voltato indrietto. *Relectum confirmavit*.

Dicto die.

Ludovico da Padua, *olim* balestrier *cum* la dicta galia, *cum* juramento examinato, *respondit*: La

nocte che la nostra galia naufragò, io haveva atteso a seccar la giava del scrivani, et, visto che l' aqua noventeva, veni de sopra, et era accostado appresso el copano, nel qual s' attrovavano assai persone; et visto ch' l schiffo fo buttà in aqua, io salti dentro da la banda de la galia, dove trovi el nostro comito, ma non l' ho visto montar, nè mancho ho visto sia stà tolto d' aqua in copano. Et cossi el mar ne allargò circa uno trar de man, et dapoi, accomodadi li remi a' sui lochi, andasemo a la volta de terra. Interrogato, hatu inteso ch' l comito habia dicto, andemo levar el patron, et quanto lontan da la galia? — Jo attendeva a seccar el copano, et non ho aldito cossa alcuna, ma ben ho sentito gran rumor. *Interrogatus*, quanto stete la galia de sopra aqua dapoi che ve largasti, *respondit*: Io attendeva a seccar et quando buttava l' aqua fuora, secondo che l' ampenia, io vedeva robe in aqua et sentiva rumor grande, ma la galia non ho visto più. *Interrogatus*, hatu aldito ch' l comito habia pregato che non se dica lui haver montado in copano essendo in galia ma che l' havemo tolto da aqua in copano? *respondit*: Per el sacramento prestà, el comito non m' ha dicto tal parole, nè ho sentito che l' habia dicte ad altri. *Interrogatus*, hatu sentito el paron che cridava; orza, orza, guarda la galia sottovento? *respondit*: Jo era accostado al copano *cum* el gaban atorno, ch' havea reso la mia guarda, et ho aldito li nostri che cridavano: guarda la galia sottovento; et alhora ho aldito el comito che disse: orza, a la banda; et li fo risposto le dà, ma altra parola non ho aldito. *Relectum confirmavit*.

Die 28 januarii.

Mathio da Spalato, era compagno *cum* la dicta, *cum* juramento *super ultram* examinato, *respondit*: La nocte che la nostra galia naufragò io me attrovava in corsia, et vene el comito da pope et disse: Compagni, in copano per dar uno segomo, et cossi nui andasemo in copano, et el comito similmente montò in schiffo, avanti che l' fusse buttado in aqua, et subito andò la galia a la banda et el copano andò in aqua et se impite la metà di aqua, la qual galia era quasi piena d' aqua; et essendo allargati circa uno trar d' arco da la galia, el comito disse: fradelli andemo levar el patron, ch' beati nuj, et nessuno non volse sentir parola, dubitando di annegarse, et cossi andasemo a la volta de terra. *Interrogatus* quando stete la galia de sopra aqua, dapoi che ve largaste *cum* el copano, *respondit*: